



Шогшо эл, порымиз да гим берг!

Будь готов/

ЯМДЕ-ЛИЙ

1933 ий 1 февраль годсек лектеш.

0+



– Ульяна, айда мый тыйым асфальтыште пор дене сүретлаш туньктем,
– Ярослав Аблинов шўжар-жылан темла.

Ульяна порым налешат, изаже воктеке верлана.

– Пеш моторын лектеш,
– икшывыже-влакым моктал-тен пелешта самырык ава.

Шукат ок эрте, мотор велосипедым авашт дене пырля сүретленат шындат.

Онай, умбакыже мом ышташ тўналыт? Ярослав велосипедист лие. Ульяна – пассажир.

– *Кудалына! Коча-кова дек унала!* – рўж кычкырат. Пуйто Йошкар-Ола гыч У Торъял районыш вашкат. Йоча-влакын тўрлым шонен лукташ мастер улмыштлан куаныман гына.

А те паледа, **16 июль** – **Асфальтыште сүретлыме**

кече. Тўрлў тўсан пор-влак дене теат, йоча-влак, сүрет-леда, очыни? Кидыштыда пор юзо кистычкыш савырна. Асфальтеш кече, пелеш, кава, янлык да моло «шочыт». Тыгай сүрет-влак кенежым эшеат сылнештарат, кажне кугыенгым ик жаплан йоча тўняшке пўр-тылат.

Е.ИВАНОВА.
Авторын фотожо.



Кугешнена

Лүддымө рвезе

Козьмодемьянск лицейын 11-ше классышкыже вончышо, «Паллада» парус клубын кугурак юнгыжо Иван Немихин **(снимкыште)** вүдыш пуренгайыше кум йочам утарен.

Лүддымылыкым ончыктымыжлан да польшым пуымыжлан «Горячее



сердце» всероссийский мер-кугыжаныш инициативын шарныктыш медальже дене палемдалтын. Медальым Марий Эл Республикын тўн федерал инспекторжо П.В.Волков кучыктен.

Фото-влакым Интернет гыч налме.

Российысе увер

«Придумай слоган для Географического диктанта – 2021» тўнямбал конкурсыш кажне кумылан ег ушнен кертеш. Пашам 31 июль марте вучат. Тўрыс уверым rgo.ru сайтыште ончыза.

«#яделаючистыйгород» всероссийский экологий конкурсыш 7-17 ияш ўдыр-рвезе-влакым ушнаш ўжыт. Сўретым сўретлен, йомакым, почеламутым але шымлымаш пашам возен, 19 сентябрь марте workshop-recycle.ru сайтыште верандыман.

Сылнымутлан шўман ўдыр-рвезе-влак, «Поэтический атлас» тўнямбал конкурсыш ушныза. Йодмашым litmga@mail.ru адрес дене электрон почтыш 31 август марте колтыза. Тўрыс уверым stih.ru сайтыште ончыза.

Историйым шергалына

1770 ий 18 июлышто Петр Александрович Румянцевын вуйлатыме руш армий Ларгаэнер воктене турко войскам сеҥен. Тўнде кредалмаш Руш-турко сар годым (1768-1774 ийла) лийын.



Тау, йолташем!

Кенеж канышем пайдалын эртарем. Книгам лудам, авамлан полшем, йўштылаш коштам, модам, тўрлө конкурсышто мастарлыкем тергаш жапым ойырем. Шукерте огыл Москосо Сенымаш тоштер «Собаки – герои» тўнямбал сўрет конкурсым увертарен. Мый «Тау, йолташем» сўретым сўретленам да тагасымашке ушненам.

Полина АЛЕКСЕЕВА.
Морко, Коркатово.

«Ямде лийын» вийже Шулдырым кушта. «Ямде лий» гын лийже Кужне суртыштат.

С.МУРТАЗИНА.
Медведево, Руэм.

Кок предмет – 200 балл



Марий Элыште 21 ўдыр-рвезе единый кугыжаныш экзаменыште 100 баллым поген: 8 ег – руш йылме дене, 3 – химий дене, 3 – ИКТ дене, 2 – математике дене, 2 – физике дене, 1 – историй дене, 1 – географий дене, 1 – литератур денем. Кум тунемше кок предмет дене 100 баллан возен! Тиде Параньга кыдалаш школын тунемшыже химий да руш йылме дене, «Инфотех» АНО-н выпускникше математике да информатике дене, Политехнический лицей-интернатын тунемшыже физике да информатике дене.

Марий Эл Республикысе образований да науко министерствын уверже почеш.

Рособрнадзорын уверже почеш, 2021 ийыште Российыште 409 выпускник кок предмет дене ЕГЭ-м 100 баллан возен, 16 выпускник – кум предмет дене, ик тунемше – ныл предмет дене.

Марий Элысе увер

28 августышто Э.Сапаев лўмеш Марий кугыжаныш опер да балет академический театр Килемар районысо «Раздолье» турист комплексыште «Акпатыр» оперым кава йымалне ончыкта.

Роспотребнадзорын Марий Эл Республикысе управленийжын увертарымыже почеш, пудий угыч талышнен. 43 еным пурлын. Нунын коклаште – шым йоча. Пўртўсыш лекмекеда шекланыза!

Шернур посёлкысо И.Н.Молотов лўмеш йоча сымыктыш школын тунемшыже Юлия Лебедева Санкт-Петербургышто эртаралтше «Алые паруса» тўнямбал конкурс-фестивальыште «Инструментальное исполнительство» тагасыште 2-шо верыш лектын. Туныктышыжо – Л.Д.Журавлёва.

Поро паша – курымашлык

10 июльшто Йошкар-Оласе мер-политик рүдериште «Мыйын еш архивем» республикысе конкурс иктешлалтын. Тудым Марий Эл Республикысе «Эр вий» йоча да подростковолакын ушемышт 1994 ий гыч эртарат. Кажне гана түрлө темым авалта. Тений «Добровольчество и благотворительность в

истории моей семьи» теме темлалтын. Еш-влак поро пашам шуктымашт нерген палдареныт. «Еш тоштерын ончерже», «Объективыште – порылык» тагас-влак лийыныт. Пайремыш Йошкар-Ола да республикысе түрлө район гыч лу еш ушнен. Поян ончерым эскерен, кугешныме кумыл ылыжын. Поро пашам ужын, чонлан ласкан чучын.



Теве Ку-жэнер район Токтай-беляк гыч Кирилл Светлаков Юлия Геннадьевна коваж дене пырля еш ончерлан материалым икмын-яр ий поген (снимкыште). А поро пашам ышташ кова-же уныка-жым изинек шўман ден.

Йошкар-Ола гыч Жировмыт еш (снимкыште) поро паша дене ила, манаш лиш. Ака-шўжар Маргарита ден Екатерина волонтер улыт. Нуно илалше-влаклан, изинек эмганен кушшо йоча-шамычлан полшат. Түрлө акцияым эртарат. Польш кидым шуялташ кеч-кунам ямде улыт.

«Порылык – чонышто.

Поро паша – курымаш-лык» – конкурсыш уш-

нышо кажне еш тыгай ой-

влак дене ила. Мылан-

на, жюри ен-ш-влаклан, се-

гышым ойы-

раш куштылго огыл ыле гынат,

ойырте малтше еш-влакым палем-

денна.

I вер: Жировмыт еш (Йошкар-Ола).

II вер: Светлаковмыт еш (Кужэнер, Токтай-беляк), Кожевников-Обуховмыт еш (Советский).

III вер: Картузовмыт еш (Волжский, Купсола), Мурашов-Кисилёвмыт еш (Медведево, Мамьярсола).



Авторын фотожо-влак.

шеңгым шындем, кайык-влакым пукшем. Арулыкым эскерыме пашаш ушнем. Тений шошым ковам дене опытым ыштенна. Ковышта ден ушмен нөшмым мландыш урен шытыктаренна да калыкклан пуэденна. Шыжым ты нөшмө гыч сай лектыш лиш манын ўшанена», – оила Кирилл.

Е.ИВАНОВА.



Кушкын шумек, кө лият? Пален налнет? Йодыш-влаклан вашеште.

1. Могай пөлекым ойырет?

- А. Чиям, гитарым, ручкам.
- Б. Книгам, машинам, отвёрткам.
- В. Пырысыгым, кешырым, микроскопом.
- Г. Мечым, клюшкым, ечым.

2. Кушко куанен каем?

- А. Выставкыш, театрыш, тоштерыш.
- Б. Гаражыш, заводыш, планетарийыш.
- В. Ботанический садыш, зоопаркыш.
- Г. Бассейныш, стадионыш, катокыш.

Вашмутет **А** буква **гын** – тый сүретче, поэт але артист лият.

Б буква **гын** – инженер, изобретатель лият. **В** буква **гын** – фермер, садовник лият але ялозанлыкым вуйлатет.

Г буква **гын** – спортсмен, тренер, физкультурым тунуктышо лият.

Мый тыге шонем

Түнямбалне шуко профессий уло. Нунын кокла гыч шкалан келшышым ойырен моштыман. Тиде куштылго паша огыл. Мый изиэм годсек повар лийнем. Молан, йодыда? Авамат поварлан пашам ышта. Тидын нерген авамлан каласымеке, тудо шонымашем дене келшен. Илен-толын, келге шинчымашым налын, мый кафедем почнем. Калыкым тамле кочкыш дене сийлынем. Шонымашем шукталтеш манын моткоч ўшанем.

Даша **КОРЯКОВА.**

Морко, Шўргыял.



Марий Турек район Сардаял школ «Школа позитивных привычек» проектын инновационный пло-

щадкыжлан шотлалтеш. Туныктышо-влак йоча-шамычым поро пашам ышташ туныктат. У проект-влакым возат да илышыш шындалат. Иктыже – «Ару ял» (авторжо – туныктышо-организатор О.А.Семёнова). Тиде проект «Образ жизни» поро кумылым ончыктышо фондын эртарыме конкурсыштыжо икымше верыш лектын. Тушко Российысе 14 школ ушнен.

– Проект почеш уло школ пашам ыштен, поснак – 5-8-ше класслаште тунемше-влак. Эн ончыч ўдыр-рвезе-влак ял калыклан пай-




Сардаялыште ару

дале ой-каңашан буклет-шамычым ямдылен- ныйт да пуэденыйт, пырдыжгазетым луктын- ныйт (снимкыште). Вара шўжым кышкыме верлам эрыктеныйт. Тыгай акцияла самы- рык-влакым гына огыл, кугыеҥ-шамычымат пўртўсым аралаш туныктат, шонена. Кеч- могай йодышым пырля каңашет да паша- ке тўшкан ушнет гын веле лектыш лиеш, – оила директорын воспитаний паша шотышто алмаштышыже Г.В.Минимуллина.

Х.АЛЕКСАНДРОВА.

Фотом школын архивше гыч налме.

Кроссворд



- 1.Эн сылне пагыт.
- 2.Пушкыдо межан суртвольык.
- 3.Модын, юарлен куржталеш.
- 4.Чодыраште шочшо саска.
- 5.Тудо вўдыштў ила.
- 6.Марий Элыште йогышо эгер.
- 7.Кеҥежым тудын дене куанен кудалыштына.
- 8.Ныл йолан йолташ.

Наташа ХАМИНА.

Морко, Эгерсола.


Куд уреман

Шочмо ялем – Кораксола. Тушто пеш сай. Ялна куд уреман. Ял покше- чын яндар памаш йоген эрта. Чонгаташте кугу писте парчалажым рўзалта. Лекайн лўмеш уремыште – мемнан пўртна. Но мыланем ковамын суртыштыжо илаш келша. Тудлан пашам ышташ полшем. Ковамлан йокрок ынже лий манын, эре пелен- же шўрангыштам. Тудын воктене мыланем поснак сай. Йўратыза шочмо ялдам да лишыл еҥда-влакым!


Ксения АЛЕКСЕЕВА.

Морко район.

Четан



Чеп, чылвыр



Чондай



- Чаягаш – ўчашаш.
 Чакма – тулсавыш.
 Чакмагў – тулгў.
 Чамбал – мўдывуй.
 Чанчашке – тўрлў ате пудырго.
 Чаня – вийдыме, начар.
 Чождыраш – йўлаташ.
 Чапий – моктанчык.
 Чар – вичкыж лончо.
 Чаралге – лончан.
 Чарга – чодырган.
 Чарша – пўрдыш.
 Чатнаш – печкалташ.
 Чеке – лаке.
 Чемек – пашкар.
 Чий – амал.
 Чок – шуко.
 Чоклака – пенгыде.
 Чоклок – шоныде.

Чоман – пушенге шўм (кўр) гыч ыштыме кугу ате.

Чорыш – писе.
 Чрак – кўртнў шокте.

Чумбык – ний дене ыштыме шин- чал ате.

Чыйгаш – писын ошкедаш.

Чытывий – чытамсыр.

Микале, чамбал ўмбак шинчын, шочмо кундемжым тўслен ончале. Чодыраже чарша

гай койын шога. Тудо куш- кыллан, понгылан да пушенгылан поян. Микалын чондайжым пойдараш полша. Пўрҥен чумбыкым, чоманым ыштен ужалкала.

Л.ГРИГОРЬЕВА.

Сўрет-влакым Интернет гыч налме.



Шун гыч кұмыж-совлам, атышорым шукерте ожно ненчаш тўналыныт. Нуным кочкишым, вўдым опташ кучылтыныт, тўрлў арверым аралаш йўнан лийын. Археолог-влак кувшиным, кўршўкым, модышым да молым калыкын ожно илыме верлаште кызытат муыт. Кажне кундемын арверыштыже ойыртемалтше да шкешотан тамга лийын.

Шун гыч тўрлў арверым ег-влак тачат ненчат. Пашам гончар онго куштылема. Тудым IX курымышто шонен луктыныт. Мастарын шўртнў кидыштыже тыглай шун моклака тўрлў арверыш, скульптурыш, сўрастарыше ўзгарыш савырна.

Шун кидым лывырта

Марий тамган арверым Йошкар-Оласе «Дом солнца» студийыште тыршыше Р.А.Турбинан **(снимкыште)** пашаштыже ужаш лиеш. Тудо туныктышо, сўретче, керамист да шун гыч арверым ненчыше мастар. Регина Альбертовна пашаже-влак ойыртемалтше, марий тамга, пўртўс дене кылдалтше улыт. Марий философий шўлышан ўзгар-влак авторын чон шижмашыжым, поянлыкшым почын пуат.

Регина Альбертовна йоча-влаклан тўрлў мастер-классым эртара.

– Шун – пушкыдо пўртўс материал. Туддене ненчаш куштылго, – ойла мастар ег. – Шонымо арверым йоча-влак писын да куштылгын ыштен кертыт. Сандене ўдыр-рвезе-влаклан моткоч келша. Ме кўмыжым, кружкам, вазым, кувшинным, модыш-влакым

ямдылена. Гончар онго дене пашам ыштена.



– Гончар онго дене пайдаланыме годым могай-гынат секретым палыман, очыни? – рашрак умылаш тыршем.



– Гончар онго дене пайдаланыме годым чын шинчыман. Кынервуй дене пулвуйыш энертман, кап дене изиш ончыкырак



тайналтман. Шуным онго покшек пыштыман да варыман. Тыгодым шуным конус семын кўшкў эркын нўлтыман. Сайын варымеке, арверым ышташ тўналман. Парня дене эркын темден, келшыше формым онгыштак келыштарыман. Шун дене пашам ыштыме годым чытыш кўлеш да тўткырак лийман, – умылтара Регина Альбертовна.

Шунышто йыгыжге пуш, чия уке. Арверым чиялташ акрилым але посна келыштарыме чиям кучылтыт. Сандене ны шун, ны чия йоча-ваклан энгекеым огыт кондо. Ненчыме годым ўдыр-рвезе-влакын парня лывыргылыкышт вянеш. Нуно икверыште шинчаш, колышташ тунемыт. Тўрлў чиям кучылтын чиялтыме годым ушыштышт сылне сўрет шочеш. Ўзгарым моторырак сўрастараш тыршат. Тыгак мўнгыштў шке гыч модышым ышташ кумылышт лектеш.

Е.ИВАНОВА мутланен. Фото-влакым еш архив гыч налме.

Грек йылме гыч керамике («keramos») шун манын кусаралтеш. Эн ончыч ўзгарым тыглай шун гыч ненченит гын, варажым тўрлў тўсаным кучылтыныт. Арверым тулеш когарташ тунемыныт. Тыге керамике ўзгар «шочын». Тўрлў тамгам, сўретым келыштарен, онайракым да моторракым ыштеныт.

Палаш онай

Индийыште шун гыч «Мланде духим» ыштеныт. Кенжеж тўналтыште шун тыртышым мланде ўмбак оптеныт. Тудо пеледышын, шудын пушыжым налын. Тамле ўпшыш лукташ сандал ўйым даспиртым кучылтыныт.

Муныш олымым, ошмам ешарен, саман кермычым ыштеныт. Тўгай кермыч гыч Вавилон башным оптым.

Шун гыч ыштыме эн тошто оралте – Месопотамийысе (Азий) Тель-эль-Обейде храм.

Онай кидпаша

Миша шольым дене пластилин да полимер шун гыч ненчаш йўратена. Полимер шуным ме шке ыштена. Тидлан кўлыт: 1 стакан ПВА ош клей, 1 стакан кукуруз крахмал, 1 кугу совла вазелин, 2 кугу совла лимон сок, 1 кугу совла крем. Тидым пырля пыштена да сайын лугена. Мый изи статуйым, кидшольым ненчем. Миша пакчасаскам, янлыкым ыштылеш.

Аня ВИНОГорова.

Звенигово, Кожласола.



ТҮН ПРИЗ – самокат – Волжский район Нурсолаште илыше Н.Е.Степанован логалы.

Потерей

Самокатын озаже кө?

Черетан подписке тургым мучашлалтын. 2021 ийын кокымшо пелийжылан «Ямде лий» газетлан подпискым ыштыше-влак коклаште увертарыме лотерей модышым иктешлаш жап толын шуын. Ты гана түрлө пөлек модалтын. А түн приз самокат лийын. Пиалан оза-влакым пален налаш онай! Көмыт нуно улыт? Тидым ышташ Эчук ден Пампалче курчакна-влак да газетын юнкоржо, Артём, (**снимкыште**) полшеныт.

Күпчык – О.В.Алексеева (Морко, Коркатово). **Ручка набор** – Е.И.Шабалина (Йошкар-Ола). **Пуэн овартыме мече** – Е.В.Васильева (Волжский, Йывансола). **Түрлө түсан карандаш** – Е.В.Григорьева (Морко посёлко). **Пластилин** – Р.Г.Антропова (Советский, Орша). **Акварель чия** – Л.Ю.Сергеева (Морко, Изи Кушна). **Наклейкан кугу раскраске** – Н.И.Новикова (Волжский, Приволжский). **Тетрадь опымо папке** – Д.С.Мамаева (Кужәнер, Улыл Регеж). **Фоторамке** – В.А.Подбойкин (Морко, Коркатово). **Канцеляр набор** – Л.В.Кошаева (Волжский, Пөтъял). **Труд уроклан набор** – В.Д.Алмаметов (Шернур, Кондрач). **Пенал** – А.Г.Савинова (Волжский, Пөтъял). **«Ямде лий» газетлан подпискым ыштыше да мемнан дене пырля улишо-влаклан – кугу тау!** Л.ГРИГОРЬЕВА.

Лотерейын учредительже – «Мий пашаш» сылнымут фондым вуйлатыше, писатель В.В.КРАСНОВ. Тудлан кугу таум ойлена!

Көрдыштö – йоча лагерь

Мотор пүртүс, яндар юж, весела программе да куан кумыл – чыла тиде «Белая медведица» йоча лагерьыште уло. Тудо Оршанке районысо Көрдö ялыште верланыше «Большая медведица» сонар каныме базе пелен кудымшо ий пашам ышта. Кызыт тушто «Хип-хоп» лүман кумшо смене эртаралтеш. 13-17 ияш шымле наре ўдыр-рвезе кушташ, граффитим сүретлаш, рэпым лудаш тунемеш.

– *Лагерьыште йоча-влаклан канаш, капкылыштым шураш, у тунемме ийлан вий-куатым погаш чыла йөн уло, – ойла лагерь вуйлатыше Юлия Захарова. – Кенез мучко 400 наре йоча кана. Куд смене лиеш, кажныже посна темылан пөлеклалтеш. Тылеч ончыч сарзе патриот смене пашам ыштен. Йоча-влак саркуралым рончаш да погаш, туран лүйкалаш, чодыраште илен лекташ, икымше полышым пуаш тунемынит. Моско гыч толшо режиссёр «Ералаш»*

передачым кино сменяште сниматлен. Ончыкыжым йоча-влакым эше кум смене вуча. Тушто ўдыр-рвезе-влак йот йылме дене мутланаш, имне їмбалне кудалышташ тунемыт.

«Белая медведица» лагерь «Йоча туристический кешбэк» программ дене пашам ышта. Тидыже ача-авалан моткоч пайдале да шкешотан полыш.

В.ГОРОХОВА.
Снимкыште: лагерь илыш.



Поян кенез

Кенез – эн поян пагыт. Йырваш ужарге, чевер кече шыратен онча, леве вўд йўштылаш пураш ўжеш. Түрлө емыж-саска мемнам куандара. Снегым, мөрым, энгыжым погышна. Ынде шоптыр, вишне, сливе лөзангын чевергат. Телылан вареньым шолтена, компотым ямдылена. Йўштö теле кечын чевер шокшо кенезын ямжым йывыртен шарналташ тўналына.

Оля СТЕПАНОВА.
Морко, Шап Унчо.

Пакчасаска ямде

Калык öрынрак онча: Тиде мо онай пакча? Тыште грушо ден олма, Сливе, вишне, алыча. Тушто помидор, кияр Пырля кушкыт веселан. Шпинат, петрушко ден шоган – Кушкын шуынит чылан. Кешыр, ковышта, паренте, Шуыт нуно шыжым веле. Телылан пакчасаска Ямде лиеш мыланна.

Аня АНДРЕЕВА.
Кужәнер, Тошто Йўледүр.

Оксам кучылташ тунем

Ача-авалан кангаш:

- ➔ кевытыш кайымыда годым икшывы-дам пелен налза. Тиде але вес сатум молан налдыам умылтарыза;
- ➔ йоча иктаж-мом налже гын, тудын күлешлыкшым але оккүлжым раш умылтарыза;
- ➔ икшывым оксам аныклаш тунуктыза (күсен роскотлан; иктаж-могай кугу арверым налашлан; ончыкылык илышлан);
- ➔ йоча оксан акшым палышаш. Күлдымө модышжым ужалаш темлен ончыза.



Фотоончалгыш



Фотом ончен, ныл корнан почеламутым, мыскарам але заметкым возен колтыза.

В.СМИРНОВЫН фотожо.

Шийвундым аныкле

Мыланем ачам ден авам күсен роскотлан ситыше оксам чүчкыдын пуат. Мый тудым ом кучылт. Аныклаш оптем. Тыге иктаж-могай кугу арверым налаш оксам погем. Ёмаште кенежым самокатым налынам. А те, йоча-влак, оксам аныкледа але иканаште кучылтын пытареда?

Артём ИВАНОВ.

Йошкар-Ола, 21-ше №-ан школ.



Марий Элыште вүдыш пуренгайыше-влакын чотышт шукемеш. Нунын коклаште йоча-влакат улыт. Вүд воктене чот түткө лийза!

20 июль – Тортын тўнямбал кечыже.

Изи озавате

Пушкыдо

да тутло тортлан күлыт:

0,5 литр ўмбал, 250 грамм ушкал ўй, 4-5 муно, 1 стакан сакрылжааш, ик изи совла содо (уксус дене йўлаташ), 3-4 стакан ложкаш.

Сакрылжашым муно дене варена. Тушко ўмбалым, ўйым ешарена да сайын лугена. Ложашым шоктына, изин-изин вартышыш ешарена да изиш пенгыдырак руашым ямдылена. Содым пыштена да конгаш күэштына.

Кремым ямдылена. Пел стакан шўрыш пел стакан сакрылжашым пыштен, тул ўмбалне шулыктарена. Вартышышым йўкшыктарена. 300

грамм ушкал ўйым туржына. Тушко вартышышым эркин опталына да чот лугена. Кремым тортыш йыгена да түрлө емыж-саска дене сўрастарена.



Шарныза!

- ✓ Йўштылаш келыштарыме верлаште гына вүдыш пураш лиеш.
- ✓ Йоча-влак, кугыен-шамыч деч посна йўштылаш ида кошт!
- ✓ Ийын огыда мошто гын, пуэн овартыме матрас, она дене вүдыш ида пуру.
- ✓ Вүдыштө энгегыш логалшылан икымше польшышым пуаш тунемза.
- ✓ Вүдыштө икте-весым ида лўдыктыл, ида шўкедыл, весылан йўштылашыже чаракым ида ыште.



Шотыш налза!

- Вүдыштө йолдам але киддам шўн шупшын гын, ида өрткө. Тупыш возын, ияш тыршыза. Серыште улшо-влак деч польшышым йодса.
- Вүдпўрдемеш логалмеке, вүдйогын почеш ўрдыжкө корангаш тыршыза.
- Виян вүдйогыныш логалмеке, ваштареш ийман огыл, почешыже каен, сер деке лишемза.
- Вүдпорсынеш пўтырналтмеке, тупыш возын, эркин тарванылын, сер деке ияш тыршыза. Тыге ок лий гын, йолым мўшкыр деке лишемден, вүдпорсыным кид дене корандыза.



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-48.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.pf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет редакций.

Газетым редакцийыште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогымым эскерыше Федеральний службын Приволжский федеральный округысyo управленийыштыже регистрироватылме.

Номер – ПИ №ФС 18-1999,
2005 ий 10 февральыште пуымо.

0+

Печатыш пуымо жап –
14-00,
фактически – 13-00

Авторын да редакцийын шонымашышт түрлө лийын кертыт. Серыш-влак мўнгеш огыт колталт.
Ак – кутырен келшыме почеш.

Редакцийн да издательын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пўрт.
Тел. 8(8362) 45-22-82(факс)

**Кенгежын
чияже**



Рома ИШМУРЗИН.
Татарстан, Агрыз, Буймо.



Костя ШЕХУРДИН.
Шернур, Кукнур Купсола.



Алеша КУЗНЕЦОВ.
Кужәнер, Шүдымарий.

Конкурс




Шотлыза:



Кроссворд

Рушла гыч марлашке кусарыза.

Ойырен палемдыме клеткылаште мом возымо?



- 1.Олень. 2.Лось. 3.Бобр. 4.Лиса. 5.Заяц.
6.Медведь. 7.Ёж. 8.Сова. 9.Волк.


Дарья ОЛЮНИНА.

Советский, Ёрша.

Чиялтен пытарыза.




Коля-влаклан икте-вesityт деке корным ончыктыза.



7 ойыртемым муза.



Ситыдыме цифр-шамычым шындаза.



Кум шыршым верже дене вашталтен, колым вес могырыш савырыза.

